




Republika e Kosovës Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit si dhe nenit 24 (paragrafi 11) të Rregullores nr. 02/2013 së Punës të Agjencisë kundër Korrupsionit, Drejtori i Agjencisë kundër Korrupsionit me datë 27.05.2014, mori:

V E N D I M

I. Mbyllet rasti me nr. AKK-03-3289/13, për znj. Fikrije Fejzullahu – Prokurore e Shtetit në Prokurorinë Themelore të Prishtinës, për shkak se zyrtarja e lartë publike ka shmangur gjendjen e mundshme të konfliktit të interesit.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

Rasti i Hapur nën dyshimin e bazuar për Konflikt Interesi në Ushtrimin e Funksionit Publik për zyrtaren e lartë, znj. Fikrije Fejzullahu – Prokurore e Shtetit në Prokurorinë Themelore të Prishtinës, dhe njëkohësisht, person i autorizuar në një biznesi privat, është trajtuar sipas procedurës së paraparë në Ligjin Nr. 04/L-051 për Parandalimin e Konfliktit të Interesit në Ushtrimin e Funksionit Publik.

Në rastin e lartëpërmendur, zyrtarja e lartë znj. Fejzullahu është hetuar për situatë të konfliktit të interesit në ushtrimin e funksionit, për të cilin është dyshuar se ushtron dy funksione të papajtueshme si Prokurore e Shtetit në Prokurorinë Themelore të Prishtinës dhe njëkohësisht person i autorizuar në biznesin privat “Avokate Fikrije Krasniqi - Fejzullahu”.

Zyrtarja e lartë është njoftuar me një shkresë zyrtare nga Agjencia kundër Korrupsionit. Pas pranimit të kësaj shkrese znj. Fejzullahu, është këshilluar që të heq dorë nga të qenurit person i autorizuar në biznesin privat, në Agjencinë për Regjistrimin e Bizneseve të Kosovës, për të parandaluar gjendjen e mundshme të konfliktit të interesit.

Zyrtarja e lartë znj. Fejzullahu është pajtuar për situatën në të cilën ndodhet, ajo ka deklaruar se është e ç' regjistruar nga lista e Avokatëve në Oden e Avokatëve të Kosovës dhe nuk e ushtron funksionin e Avokates, që nga koha e emërimit në funksionin publik si Prokurore e Shtetit në Prokurorinë Themelore të Prishtinës, prandaj ka premtuar se menjëherë do të fillojë procedurën për mbyllje të biznesit privat.

Duke parë se procesi i ndryshimeve po zgjatë Agjencia i ka bërë shkresën e dytë sipas procedurës ligjore që quhet “njoftimi paralajmërues”, me të cilin zyrtares së lartë i është bërë e qartë se duhet të shmanget situata e konfliktit të interesit brenda afatit të caktuar, përndryshe do të pasojnë masat tjera sanksionuese të parapara me ligj.

Zyrtarja e lartë znj. Fejzullahu ka dërguar në Agjenci informacionin zyrtar të lëshuar nga Agjensioni për Regjistrimin e Bizneseve në Kosovë (DPKI.03- 1787/14) në të cilën vërtetohet se është bërë asgjësimi, shuarja e biznesit privat “Avokate Fikrije Krasniqi - Fejzullahu”.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja, andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPK- së
- Z./znj. (zyrtari përgjegjës)

Hasan Preteni
Drejtor i Agjencisë kundër Korrupsionit

